

皇清文穎續編

皇清文頴續編卷首十五

高宗純皇帝聖製詩

五言古詩

和闐玉

和闐昔于闐出玉素所稱不知何以出今乃悉情形
石蘊山含輝耳食傳書生其實產於水在石亦浪名
未治斯爲璞卞和識其精設云隔石識怪幻乃不經
回域定全部和闐駐我兵其河人常至隨取皆瑤瓊

驛致貢天閩瑟若孚勝呈瓌寶固匪求方物亦可聽
在彼乃恒有何關王道貞璠璵云於魯理珩云於荆
今何不見出紀載誰果誠博物折中理祛惑期可徵
永言識顛末詎貴摛詞英

山田

山田率已熟向北看更好圃場積如墉棲畝收未了
閩閩氣象恬可因識温飽俯仰足資生盜賊自然少
所以祈年要首務爲政道回思半年旱千里赤如掃

寧敢作此想展轉增憂惱

昊天不遺民恩雨蘇枯槁內外同一日

得雨俱六月十二日卽科

爾沁喀爾沁等

處詢之皆然

普澤佑懷保信哉

德好生詎曰能精禱呼吸實通靈對越益凜藐

驛章

中途驛章遞遠自軍營來啟篋急披視旣慰又厘懷
拔達山遵檄興兵阻逃回阿爾渾楚沿其嶺高崔嵬
相持回少却守齊那爾隈厥路乃四通薩嘛罕布孩

二回部名居布魯
特安集延極西

獲否未可知道或投其儕備悉報

將軍回字頭人差將軍正言斥此語皆阻推二豎數

百眾如雉往投屢不以時卽擒巧語將誰詒叶勒兵

在汝境爲奉

皇恩恢虞驚汝老幼再遲兵臨哉區畫願中槩所惜

少徘徊馬力實不進亦弗深督責叶縛獻斯事畢飲

至凱宴開設或更逸去數月復延揆迢迢萬里外機

務親籌裁寧辭午夜勞所期七德諧

題同豫軒

在卦坤遇震德爲順以動利建侯行師其說備周孔
此軒雖舊構此義實常竦作樂崇顯承清刑服林總
鳴凶有必吝介吉無虛恐盱視遲則悔大得朋接踵
貞疾蒙業安成渝致戒重六爻旁通情大易寧鑿空
子焉觀玩辭如弗勝洞洞傳詎藉田丁策如讀鼂董
庭前植碧梧吾將企萋葦

鯀魚

湖中藻荇蕃蔓延叢累積拳茸與銍艾萌芽旋充斥
舟楫礙泛流波瀾溷澄碧是應例除莠詢得一良策
鯨魚此爲糧育湖俾搜索藻荇則已盡荷芰乃并食
魚所能者啖不能者揀擇洩矢更遺污綠水成黃色
藻荇穢復裏鯨魚穢面額不什不變法欲速疎籌畫
一利一弊滋覽物理可格

再題李唐江山小景疊舊作韻

思訓光乎前晞古振乎後小景紀緣起香光細評剖

節取茲重敘未能戒綺口抑以便覽觀用備遺忘候
宣和舊博士南渡隨奔走八十仍故官畫史無雙手
真蹟中合作把玩消卯酉去情已得神課無復責有
豎峯旣崢嶸漩流更洄糾風生虎咆哮雲從龍蚴蟉
六鼇背上山非他氣以負渲刷鎮如新神呵霧不受
歸韓誠得所子胡溺色酒董其昌跋館師韓宗伯得
之朱太尉及韓長公朝廷
遊武林有所惑溺質之好事家云云按韓世能仕禮
部侍郎教習己丑科庶吉士其昌以是科館選因稱
爲師長公益世能長
子而朝廷則其名也質金不能贖乃告香光叟拊擋

畫禪室劍合延津吼太尉家風宜乎不復取

明史朱希

孝掌錦衣衛
宋太尉職也

行穰答韓情江山歸董守武林務材家

誰復論存否挹齋薰蕕殊何致袒其右言不可不慎

思翁未思久史館問鼎時博古珍瑤玖詎知市溷寧

重價程空扣

見後程正揆跋亦記董周相贈及已曾見之故

爭名真必喪趨

利心斯蒞披圖鑒戒存寧曰遣興偶論世論其人實

無足尚友贖尾或脫落何以傳不朽櫟括書圖中藉

以永厥壽

待月

七月十八日

秋月實可憐，秋月抑堪惜。過望纔三日，清光猶溢魄。
應尚濶於弦，已自缺於璧。對此不駐景，可更孤今夕。
今夕雲淨收，碧宇澄瀏瀏。船泊近西岸，東望圖縱眸。
蒼然剛半刻，明放樹梢頭。金輪徐吐出，向我水輝流。
世界一廣寒，星斗空羅稠。月旣如人意，人當爲月留。
而我戒流連，亟命旋蘭舟。

學古堂

當前卽爲今已過卽爲古今實不可住古亦無定所
鴻荒與昨日未覺異爾許學古應如何我願於近取
歲歲臨山莊

聖日瞻

仁祖欲從雖未由遑敢不力努

摘梅成詠

溫室縱盆梅載陽鬯昭蘇得地復乘氣語云栽者扶
藉蓄纈嫩條纍纍如買珠中人喜其穎那肯輕修除

葩放蕩無神胎含穢難舒大半黏枝間鬱鬱惟待枯
是謂傷太盛盈虛理非誣況與不盛同酌治寧可無
乘閒爲採摘愛較姑息殊堆盤發芬馨在樹迴芳腴
一舉而兩得孰云匪清娛

命直隸總督方觀承疏濬安國河詩以紀事

州北白楊嶺是爲濡水源又名安國河迺縣志所傳
舊會引其流直與北易連旁可資灌溉潤濟萬頃田
歲久溝堰廢入沙滲以乾惜哉自然利乃致虛棄捐

大吏重農務備悉騰章言凡事在人爲是宜急勉旃
堰以邊泛濫溝以疏行川帑項非所靳艱食謀民天
行看吠澮通萬姓歌逢年

遊千佛洞得古體四十韻

古洞西峪巔向未尋禪約不可更虛擲試一觀其竅
初從白雲寺右轉循蹊嶠谷口尚濶豁巒腰漸兀冪
盤盤歷羊腸如與峯雲拗陰崖冰滑刺陽巘泥溇淖
駑駘怯鷺鳴駿驥騰鷹鶴蹒跚起復跌振迅立還蹕

直前乃逾險顧旁每致媯馬亦視所御志定則弗搖
咫尺有如茲何況彼荒徼諸將成功迴扈蹕同歡笑
蔥嶺雪途中嘉爾丹誠效勞者我勿忘怠者我令劬
肯因戢武時竟懈詰戎要我乘錦雲騅穩於輕步轎
身先有名言相如謾致誚鐘聲聞已近奇峯益環抱
叶
乃知神明境不許人輕造路轉忽得門矮屋低妨
帽大似雲棲寺弗詡莊嚴鬧拾級升其階三間峙古
廟屏息瞻月相調御丈夫貌稍西得牝洞哈呀深窈

宛毘盧坐堂堂蓮座千佛繞一穴剛容人中有燈光

耀云須秉虔誠人可聞天樂

叶

或入迷故步懺悔始

出窘一笑有是哉陷筭豈佛教精舍在洞南憑軒暢

遠眺下視向來路蠶叢如蜀道

叶

非經爾許勞安得

攬衆妙窗中含畫意眼底皆詩料插空刺峻稜摩天

聳羣峭野芳優曇山鳥命命叫蒼松張蓋影碧泉

奏琴調應接雖無暇而都歸靜照清涼設孤注觀止

於虞韶

叶

歸鞭不半時峪口倏已到進難退斯易常

情卽理奧

箕山詠古

不受斯已耳恥逃失過清重華實受之何礙元德升
武仲自高人龍門傳矯情封墓配五嶽放勳千載稱
表德如是足不聞蒲輪徵後世謬效古迺有充隱名
理事

宮庭曰御門園林曰理事無日弗疇咨愛禮存羊意
黃閣承絲綸綠籤引郎吏何務不宜慎況此勅幾際

宿雨快新晴廣廈無暑氣祈農有佳象籌遠罷嚴備
戒滿以爲惕敢曰逢時瑞

讀書

聰明不可作逸豫亦戒盤夏長幾務鮮爲之弗遑安
何事足陶情諒無過簡篇開卷斯有益淳化垂名言
三百蔽以一無邪得心官切已更請進惟日爲君難

駐伊犁大臣阿桂等奏報二麥大熟因用杜甫

送高三十五書記詩韻首句恰與崆峒小麥

熟同體遂用全章韻紀事然彼當季世而曠
武不已宜詩人之刺今則遇綏豐於蒼定之
時亦反其意云爾

伊犁二麥熟久矣旋王師少留更番戍屯田俾勤爲

厄魯固爾札廟火燄早飛

事見前詩

霍集占馘獻大安反

側兒雖有幸災者卽今奚遊辭默克逮西溟無不獲
國威功成弗可棄此語人盡知歸化回亦知遞覲瞻
朝儀衛拉乃無人都護建闡麾朝彥掄英材百凡杼

忠思綠旗本習農墾藝令乘時索倫善騎射偵候戈
壁涯耕回挈眷遷使無離別悲人事庶云盡

天恩至亦隨屢豐旣兆慶功惟賢臣歸甫也卽重生
何以爲刺詩

反李白丁都護歌

我歌丁都護却匪歌丁旡舉人思其地昔曾開東府
齊澣移漕路水淺丹陽土鑿石牛曳舟李白歌其苦
長此奚到今以今可知古豈無疏濬方天工在人補

輪年大小修來往通商賈設如青蓮言漕米其安取
卽事識所懷鳴榔過江滸

惠泉山房作

惠泉惠麓東冰洞噴乳竇江南稱第二盛名實能副
流爲方圓池一例石欄甃圓甘而方劣此理殊難究
對泉三間屋樸斲稱去聲雅搆竹鑪就近烹空諸六根

圍想像肥遯人流枕而石漱乃宜此巖阿寧知外物

誘叶亭臺今頗多綴景如錯繡信美樂不存去去庶

績懋

瑞石洞

駐輦有餘暇吳山近宜眺瑞石別一峯下馬喜先到
初猶步仄磴旣乃入幽竅轉折若無路含蓄益致妙
蘿薜綠垂煙梅柳芳迎曜巖半有天池靈物不可釣
密竹護陰森怪石攢嵒峭孤鶩訝欲墜傲睨忽疑笑
攀躋當造頂全吳歸郎照坐石寫叔得大觀更攬要
觀海塘誌事示總督楊廷璋巡撫莊有恭

明發出慶春駕言指海寧海寧往何爲要欲觀塘形
浙海沙無常南北屢變更北坍危海寧南坍危紹興
惟趨中小壘北南兩獲平然苦中壘窄其勢難必恒
紹興故有山爲害猶差輕海寧陸且低所恃塘爲屏
先是常趨南漲沙率可耕兩度曾未臨額手謝神靈
庚辰忽轉北海近石塘行接石爲柴塘易石自久經
費帑所弗惜無非爲民生或云下活沙石隄艱致擊
或云量移內接築庶可能切忌道旁論不如目擊憑

活沙說信然尺寸不可爭移內似可爲閭閻櫛比并
其無室廬處又復多池阮固云舉大事弗顧小害應
然以衛民心忍先使民驚且如內石建寧聽外柴傾
是將兩隄間生靈蠲滄瀛如仍護外當去聲矣必勞內
營以此吾意決致力柴塘成坦水簍石置可固隄根
撐柴艱酌加價毋俾司農程補苴示大端推行宜殫
誠

初遊龍井誌懷三十韻

瀕湖佳景多不可僂指數巖泉各擅長大畧吾能舉
南山有龍井向聞曾未覩弗肯命騎遊恐費經營苦
今來却重飾旣成說無補罷去太矯情新晴景更嫵
是用一洗藩以答衆誠剖花港遵迤西跋馬數里許
漸入煙霏深南北諸峯齧石泉淙其寒千盤曲抱嶼
蒙籠新篠低似掃塵客武乃至過溪亭下馬相與步
叶
嶮嶮羅秀石間柯疊奇楚參差列亭臺無非攬勝
所最勝則以泉深潭靈物處祈雨每致應利濟功尤

鉅瀉爲百丈瀑對之久延佇善空一切聲角徵安能
譜神運石或幻沼滌心應與

神運石滌心沼爲
龍井八景中之二

玲瓏

竅簇攢錦繡卉纂組春深鳥妙歌雨後花新舞蘿烟
濕我衣蘭氣馨於炷攀躋越踴躍高下迭賓主造巖
益愜懷暢觀極仰俯江湖辨近遙窪稜窮幽阻名山
所歷屢觀止鮮或旅得句乃命駕遂至日卓午遐思
秦蘇輩辨才此晤聚人地乃相宜萬乘來奚取作詩
誌吾慚卷阿漫擬古

龍井上作

深潭噴靈液湫澱更溶漾此與元氣通雨中自宜壯
心神既澄瀘耳目殊供養瀉爲垂巖瀑原從足底放
巖下適仰觀計以數百丈乃悟地處高其卑難爲望
絜矩有所思惕若萬民上

用高啟虎邱次清遠道士詩韻

清遠竟何人清詞麗霄漢豈其謫仙籍塵世等遷竄
飄然落吳下虎阜一遊翫驀遇沈恭子殷周談汗漫

仍復返雲衢誰能窺道岸魯公書劍池漫漶苔蒙亂
此詩未磨崖得全乃以半青邱出塵想和韻懷聚散
而我茲揭來勝跡遇春旦依樣易得句詎云誇藻翰
本無求仙心饒有憂民歎流連非所宜勅幾思益贊

採蓮涇

若耶溪上女忽作吳宮人不知四術行百計悅嬌顰
蓮開涇水芳蓮謝涇水戢幾謝復幾開越兵由此入

閱金灣六閘書事

湖西下河東行潦患必逮運河挾以南歸江路宜議
豈嘗無閘壩尺寸未詳計譬如受以尺洩丈斯得濟
受丈而洩尺弗壅定致潰昨過金灣時切切慮莫置
重臣命踏勘果如所言弊相商事解更一一建標記
灣頭洩水暢壁虎無多地鳳凰兩岸陡宜皆姑舍是
叶所重金灣壩壩寬河窄異宜達實罕暢應與疏展
暨東灣旣落低西灣當並治引河更拓寬俾有建甌
勢我欲步履視細雨風帆利閤閭歷攬全進止授次

第卽今東灣低河水流未泊云以待漲時春時漲弗
至何不先抽薪揚湯勞止沸是宜重審度亦寧執已
意然此猶治標根源吾熟思在洪湖五壩其故曾屢
示苟其清口暢是皆可勿慮叶其如蓄清言深中督
河碁蓄而鮮致害願從吾無悔清口靳弗拓小小煩
從事信其功難成猶將患屢試

命接築高堰驪工詩以紀事

武家墩迤南湖水已到岸

皇考修高堰衛民帑弗筭迤北岸離湖築土仍舊貫
癸酉幾致危易輒籌禦扞其長千餘丈運口將及半
今來一再視預防慎思患一律屬運口緩急庶幾追
劫助事下策忸怩懷永奠

定清口出水誌詩以示總督尹繼善總河高晉
清口湖尾閘兩壩東西擁黃未奪淮時全淮此東送
後始言蓄禦本由人操縱而何膠柱者甚斬拆菱葑
窺其意所在重平築恐費重寧使漲高堰五壩漏卮

供高寶曷能容下河災可痛於是議出江徒紛如聚
訟釜底不抽薪揚湯審何用悉心求其策洪澤宜騰
空高堰今出水七尺五寸中如增至三尺清口仍弗

動

叶

設再增一尺開十丈洩洶

叶

遞長遞拓寬殺

去聲

漲利應衆奚待出五壩而始折倥偬秋汛過弗漲收
壩資禦控審機在專一圖便戒旁綜有過願分任其
功不勞頌

命疏濬六塘下游詩以誌事

大河迤北窪宿

遷

桃

源

清

河

沐

陽

海

州

六塘爲之經

其緯諸河在歲久或淤滯暴漲屢致殆所以三度臨
民瘼曾未改是宜事鬻剔地廣艱乘載叶諸臣命往
勘詳酌期無悔具圖如指掌進止取有待展寬及去
淤增低補薄倍其鹽河滾壩啟閉定準楛商利蓄固
否民利消毋乃仍責成監司相機理莫怠集思廣忠
益所期民樂愷佇望起瘡痍慰子此風採

河北孤山新土隄成詩以誌事

河至徐州窄此實限於地所以夏秋汎容川每艱致
北岸未築隄是或有深思益欲聽漫流聊爲燃眉計
然聞河貴合刷深達海遂縱藉餘波廝忘慮泥沙積

卽今微山湖南仰已明試浸淫金

鄉臺沛縣

無歲

不行沅南岸石隄成緩急庶可恃

叶三縣金魚

均吾

民可弗爲籌逮重臣自都遣經營排衆議起自大孤

山迤西接舊墜大孤至蘇山亂石壩權置亦足洩易

漲沙存任水去

叶

渡河閱告成衛田誠愜意數年頗

獲收民氣較前異，懃懃事下策，益復增吾愧。

雜興

北地旱買多愁旱，我其常去秋。今夏澇愁澇，新試嘗其常。却慣經新試，轉難當分劑。各殊致聊復，言其詳。早如望遠人，既至心怡慶。未至亟望時，無過憂傍徨。

澇如剝牀膚，切近災堪傷。未離去聲正劇際，其苦難推。

忘以此例旱澇，厥愁易較量。浩浩氣方來，縱縱聲未央。雲師何不仁，旱時惟深藏。澇時乃乘勢，大爲吾民。

映

天德本好生無往不復臧百神胥受職悔禍庶降康
要之均我咎調幕無良方

放鶴亭

或有貢鶴者綵籠巧莊校曳尾塗中龜笥藏非本好
艱飛羽已翦仰食喉空叫憐其類乘軒榮不存所樂
叶 深山叢樾間放去任騰掉一歲養翼成二歲和子

效原在山莊中施亦有佳報林家明聖致張氏雲龍

調於我何有焉我意其明告既以遂烟霞亦以首梁
稻叶 貴適生物性非學幽人操

題涵春室

聞之昔賢人心小天地日元長四德曰春首四氣
於心斯爲仁百慮而一致題室匪卽景顧名願思義
憑軒韶律昌是爲萬物備

海戶謠

海戶給以田俾守南海子常年足餬口去歲胥被水

以其有恒產不與齊民比賑貸所弗及是實向隅已
我偶試春蒐掃塗仍役使藍襖洵可憐內帑寧惜此
一千六百人二千白金與叶稍以救燃眉庶免溝中
徙並得貰麥種青黃藉有恃道旁紛謝恩菜色頗生
喜爾喜我所慚過不他人諉

雜言

弗善馬射者弓力欲其弱善於馬射者弓勁乃氣作
臂痛步射艱馬射猶自若可與知者言不知如蠟嚼

木蘭九月回數月久閒却春風小試蒐豪情殊踊躍
狡兔連中雙是益夙所學以今屈支觀一亦艱射著
隔宿手已降臂疾增於昨習逸所致然言之面先作
昭烈髀肉生其歎有雄畧枚叔譏肥臙命曰腐腸藥
雜言鮮錯綜藉用自斟酌

補槐

宮槐行

陽韻

數闕周視有需補侍臣或進言一笑聊聽

取舊樹幾

上聲

合抱新榦何時伍咄哉舊拱把輪囷今

乃覩十年百年計更非所語汝

學圃雜興五首疊舊作韻

清溪穿園圃樹果臨畦蔬其西疊林巒轆轤相輻輳
既以悅智仁兼用闕苑枯大似趙伯駒著色桃源圖
纍石逾倍尋爲高因迴好竹入深益虛草經冬不槁
是謂恒春地況值光春曉賦詩何必多得趣每於少
牡蠣對西山峯嶺遙環抱

樵採濯牛山種樹十年資亦以潤嵐光化工真我師

每每原田間騁望農桑知嗟哉務本民逐利輕毫釐
何當胥還淳是用深慚之

猶憶郭橐傳曰有何爲哉誠可移官理使我心爲
開分明注魯論老安少者懷去聲

無暇此日涉成趣亦自美延攬數里外結念寸心裏
接屋非不佳狹廬綆乎彼先憂後樂懷范氏詮名理
五字韻重膺觸日常警已

命裘曰修踏勘直隸積水疏濬事宜詩示梗概

得三十韻

水由地中行南北勢殊異南土勤溝洫鮮害而多利
北方盡平衍利少害常致率旱澇偶逢吠澮總棄置
比年夏秋澇乃見洪波積蒿目乏良方屢命疏消試
覆稱海不受是誠無別計嗟嗟我災黎視爾頻受診
相與待天時益用憎慚愧發帑與截漕十求一二濟
廉知天津霸洩潦實遲滯重臣令馳往惰吏亟抵罪
叶
導宣入海河涸壤已耕暨文大釜底形難較津南

倍叶

卽今此愁旱而彼仍望霽然盡一分力庶獲一

分惠繡衣分督濬漸有可耕勢此均治標策未爲探
本義豫省及上江往年祲每逮夢麟與汝修承旨克

奏績

叶

馳驛召來京斯實爲民甚投艱非奪情寧宜

顧浮議輕車汝其覆宣房汝其茲集思見毋執周視
勞毋避委輸必源尋下醜求高自功要在人爲守株
兔安企孰急宜先圖孰緩宜後治孰壅宜剔鬢孰澤
宜讓棄代賑防中飽舉事懷抑埴勉汝永逸謀副予

勤求意

鑑遠堂有會

水監亦云可坦蕩含虛明卽景非暢觀怵然屢衷情
遠固不易鑑近尤可畏增一指設當前泰山失崢嶸
冕旒雖蔽目未形視宜精察察豈爲佳恢恢良足稱

收麥

收麥南北殊節復異先後南人用銓艾北人拔以手
南餅已登盤北糧猶棲畝今朝見收麥嗟爾待之久

婦子並赴時災後資餬口輟作蹠道旁予曰茲否否
衛士不汝呵民官不汝取賴此接青黃力獲莫孤負
聞言各喜躍撻撻相抖擻因悟化民方不在勤訓誘

含德齋

水貴有曲折山貴有環抱苟其無含蓄一往奚稱好
書堂山水間簷額緬

聖藻德何獨不然涵養期深造不敏請事斯竹素資
探討

移松

松在雜林下屈抑弗得長
雨潤及日暵莫被天恩蕩
沮然色半黃慙矣顏如強
上伏地溽濕草木咸資養
乘暇課移植出蔽遷佳壤
本疎培欲平擇向取高敞
會看放喬枝童童綠陰廣
所懼不在茲樹人因可想

鏡喻

青銅摩以旃照形已無遺
近代泰西法玻璃更新奇
然均藉人工水銀塗抹資
其未塗水銀素片玻璃輝

可以施窗櫺外物瞭然窺山亭偶用此徒緣觀峯姿
孰知別有得新趣請言之亭暗而外朗承以西峯暉
通徹玻璃窗西峯觸影披不鏡而獲鑑實匪伊所思
迴廊數上人行喬樹瞰鳥飛日幻幻旣否曰真真又
非宮疑廣寒懸城似乾闥巍炙鼓莫能辨椎輪誰所
爲宇宙此有素造物誠無私

齋居夕景

雪後釀輕寒望前吐新月簾旌下璣瑜盆卉噴醅醇

華榮蘭馥輝繡戶綺錢揭席懷漢帝問政凜周王忽
誰曰此幾閒最難窮理窟

觀通鑑輯覽至褚遂良貶潭州事嘉其忠悃輒

效其體擬作

元舅與功臣由來不可誅草茅承顧託寧當惜殘軀
忍視夷姜汚曲從政君誣國是太宗創臣忝召夔徒
叩首願還笏忤旨罪奚逋潭州被薄譴敢曰非其辜
迴首望金門無言以嗟吁

暖

今歲節候遲仲春凍始解前朝更微雪遙峯積素在
萌芽雖未發東作則有待恐妨舉趾延詎因懷蕩駘
朝來風日暄郊原觀頓改高巒雪色消曲渚泉聲浼
路柳黃染絲巖桃紅吐蕾村氓治耕具賣劍將牛買
勸農豈虛飾憑輿意駁倍大哉東皇德與物樂和愷

塞樹

塞樹常自茁本不畏霜雪築墻爲山園斯有賴培活

去歲見林稀申命護萌蘗譬彼十圍木始生未條達
足可搔而絕手可擢而拔林丞奉行善枿芽都識別
平野及高岡簇簇荆標設旣免鹿蹂躪那慮人拗折
十年計堪指千章望無缺是謂因地利何煩用力劬
育材得良方寧弗心生悅械樸詠周詩輒復慚矩絜

體物

春花暖則開秋花寒則放得氣異金木物物與无妄
待暖易爲煦禁寒艱相入聲抗以此衡厥品春較秋應

讓魏徵猶娥媚董宣特強項叶花有人豈無摘詞寫
其狀

氣候

氣候自南北其言將無然予年十一二仲秋必木蘭
其時鹿已呦皮衣冒雪寒及廿一二際依例往塞山
鹿期已覺早高峯雪偶觀今五十三四山莊駐蹕便
哨鹿待季秋否則弗鳴焉都大廿年中暖必以漸遷
語罷自復疑得半非得全此固宇宙來所有山與川

太古至今日不知幾魄淵審如向所云暖過北溟壖
邵子天津橋怪語非正詮或者人烟輳以致默轉旋
協時將育物不息惟惕乾

詠古

呂氏著春秋其言頗近理出車入則輦怡歷機由此
枚乘作七發猶不失斯旨高誘何務奇翻謂乘謬鄙
歷機訓門內曾未聞經史既日出與入豈門內而已
怡爲癡駸貌歷逆疾同痿乘辭實警佚誘注未精揣

山中恒步行蓋欲自砭耳懷古詠其事文固難言矣

于公宅詠古

東海有孝婦獄因姑女寃于公爭弗得太守竟殺旃
以此闔郡中枯旱致三年後別太守至于公爲具言
立祭表其墓大雨乃穫田先是治門閭公令高容軒
謂已多陰德子孫興必傳定國果封侯他事姑弗論
但論孝婦事弗能無疑焉旱甚民受困太守追誅虔
以一殃億萬

皇天必不然讀史鮮卓識目迷隨馬遷好奇繆如是
永言砭厥偏

六塘河疊舊作韻

治水無奇術要當使歸海駱馬之下游厥有六塘在
疏斯受利益淤斯受危殆而何久因循弗謀更張改
往勸命諸臣事在壬午載地利相機宜民瘼救吝悔
僉同亟舉役肯作道謀待映咽與濬通卑薄與培倍
鹽河置閘壩節宣有定楷自茲潦歸整耕犂得興乃

力田免水患民自以不怠近歲頗獲收閭閻象熙愷
詎予獨斷臧實藉羣言採

車邏壩

車邏諸石壩所以洩狂瀾洩之水猶盛增置東西灣
亦謂悉心謀其如多來源洪澤過五壩厥勢誠滔天
詎此所能救坐看潦下田因謀抽薪計拆壩清口宣
爲之定尺寸寬窄相衡權年來守此策洪澤洩漲前
天恩更未滂五壩無漏泉車邏常封土下河有收連

歷覽爲額慶吾言中偶然而此詎敢矜惟益勵惕乾
金山妙高臺和蘇軾韻

先我問誰登眉山玉局子仕朝七品官辭家六千里
屈信往來間蓋同遊戲耳忽愛浮玉峯鬼竈江中起
義取華嚴經名此臺如砥比邱擬德雲談禪對棊兒
了了契心神朗朗出口齒斯誠迴出塵那更申盟水
獨步妙高間是是非非是效之者計愚似之者法死
命添建海寧縣城石塘前坦水石詩以誌事

柴石兩塘工前巡大端定茲來重相視事無不用敬
念茲古縣城萬民所託命城南卽石塘魚鱗固綿亘
但潮今北趨已近塘根迎坦水縱兩層潮來惟一膾
設使久盪激塘根將致病去歲雖添建六十丈而竟
尚欠久安策俾增一律稱殺去聲勢護石工費帑吾寧
聽何當復中臺額手斯誠慶

題龍門再疊高啟韻

每遇佳山水愛尋古人蹟尤喜汗簡青足消虛室白

天平有龍門不識何年劈季迪本吳人恒此娛旦夕
奇想託豪吟五字光巖石披芸久入誦來往吾懷積
今巡重攬勝當面可成隔萬叢林欲關一綫天猶窄
宜遊神仙侶足穩蛟龍魄徘徊還罷登翹首眇雲壁
兩番賡險韻逸興仍勃激何必定夏陽空傳顛與額
名字亦已紛安所徵往籍不如返勤政棲遲讓烟客

過荆山橋

橋長三里計納水原自寬侵尋沙淤之微湖去路艱

因之事疏剔本圖洩漲瀾沙弗遠運去積隄齊橋欄
占河十之六功同不疏然大吏前致辭已足受漲川
徒觀隄以外齊橋芄麥田橋建苟非虛河疏功乃捐
二者必居一吾心實未安於凡待目擊吁嗟此實難
金鄉魚臺民以涸田得種謝恩詩以紀事

微湖昔倒漾數縣被災連金魚爲尤重有金常嗟懸
雖常豁糧賦豈似慶逢年昨從撫臣請爲之疏荆山
先是隄徐北黃流免泛川諸水得就下漸見有涸田

迴舟溯運河萬姓兩岸邊言謝汝固耳言慚吾猶然
奚如豫籌畫免此遭屯遭况慮去路多來源已覺艱
漕渠亦要務何非政所關展轉厘民瘼事蓋鮮兩全

野羸

阿蘭善親王羅卜藏多爾濟所進阿蘭善卽古
之賀蘭山漢語誤譯耳

野羸產沙磧其名齊克特

叶徒回切 蒙古語謂耳
爲齊克特蓋語助辭野羸

耳長故
以名之

儻儻如鹿羣曠漠多蕃孳原獸故野性不得

施鞍騎虞者獵捕取食肉衣厥皮或有獲駒者牝馬

乳字之及長

上聲

大於牝依依仍相隨此乃出偶然少

見故眩奇賀蘭因底貢徒觀馴且祁牽牝駒逐行奚
用勒與羈習慣成自然何性弗可移迴視彼野羸歷
然翻驚疑單于乘六羸龍門非信辭

史遷單于乘羸殊失考確蓋野羸本沙漠所有然
野獸不可乘若夫畜羸則驢父馬母驢惟內地有
之沙漠本所無也雖今喀爾沁有驢乃因承平日

久又其部落與內地連界故得有驢然不知有羸也回部四大城驢甚多然向不與馬合亦不知有羸也木蘭迤北諸扎薩克及喀爾喀厄魯特之地至今無驢夫今之蒙古尚無驢而千餘年以上之匈奴又安得有驢無驢又安得有畜羸乎遷又云其奇畜則橐駝驢羸馱驢羸已辯其無且亦何足奇橐駝則蒙古常畜之物以供負載如牛馬富者或有千餘亦不以爲奇也馱驢註者謂馬父羸

子夫羸不能孕其子何來而發蒙記謂之剝母腹
而出列女傳謂之七日出其母奇誕益甚然皆遷
之好奇不信有以啟之也因詠野羸並正遷之躋
駿如右

移松

山中有松樹歲久或叢生密則礙其長疎又孤其朋
乘閒爲移植位置期得情旣不妨蔥鬱兼以續峻嶒
是惟穉者然尋丈斯不能械樸育賢才信哉詩可興

女樂

女樂於古無周末始間

去聲

置不朝孔子行父母邦之

義洪涯託三皇荒誕傳何自漢武乃叔設以待無妻

士

叶

戰在鼓其勇斯實不經惠侵尋至唐宋公然有

官伎

叶

白蘇猶不免其他奚足議功令久所禁越前

誠善制至於官禁中歌舞或應備霓裳廣衆觀此更

成何事本朝踵勝朝向亦有其隊康熙不盈千貞觀

三千出雍正益沙汰十祇存三四所司詩踵行初未

解吾意吾意非沽名益欲究實際且如梨園部自有
幾出類拔諸九御列不可復執藝卽其庸衆流豈令
終老肄爲期旣弗長爲業安能詣不如盡去之代之
以宦寺內外可通用灑掃仍不廢逮今卅餘年始終
如一致亦弗殞明禁拂人何必試但讀斯詩者或可
動深思

過中亭河紀事

中亭入玉帶玉帶卽清河中亭洩渾漲壑窄難容多

蕩漾沙遠留至此爲澄波受小不受大此理信不磨

嘉淦孫督直時謬聽人言訛謂渾河故道卽此實非

他建議放乎此千村歎淪過知誤乃改爲民已嗟蹉
跬不十不變法語誠不我訛經過得親見悔過成新
哦

問和親王尚能馬射否辭以臂病因成是什誌

興

臂病爾我同馬射我勝爾那忘卅年前逐兔爭馳此

滿眼領兒孫蒼顏對兄弟然豈可言老承
歡永

萱祀圖逸爾或可習勞我難委一圍連中
言止矣

去聲

三亦足

皇清文頴續編卷首十六

高宗純皇帝聖製詩

五言古詩

賦得爲君難

子曰爲君難難不可悉數綜要有二端用人及賜雨
春暝祈雨霈夏澇望暘煦祈雨日愈烈望暘雲更吐
露立那安眠玉食或忘舉及幸酬所冀慰仍不遑處
所以者云何恐卽息生侮至於用人際知之良獨苦

惟帝其難之言曾著大禹人心有醇漓醇必推上古
其時已若斯况在千載下叶國人皆曰賢緩待將誰
補項羽亦重瞳仲尼似陽虎蒿目復勞心吾憂向誰
語

緬甸詩六十韻

緬甸南瀛裔於古朱波是趙宋寧宗時一通中國始
元明數征討叛服亦云屢叶宣慰仍土酋羈縻而已
矣其時誰最驛嗟喇莽瑞體考其所侵軼隴川界迤

遷厥後明桂王逃緬延喘咳

世廟宣索之獻出遵揮指緬則置度外遐荒非所取

叶

然隴川一帶實入我界裏前歲莽獮獠蓋受緬指

使莽旣剗削盡緬斯漏網耳蠶食鄰如故鄰多向內

志叶大山及木邦率有成言底最先乃新街歸附髮

已薙應琚往永昌飛報受降事叶所遣新街者纔八

百軍士緬聞悉衆爭不敵成敗北叶繼進實朱崙於

楞木遇彼彼此互殺傷乃聽賊計詭撤兵進鐵壁關

名

賊遂躡追尾腊撒及隴川以次崙退委緬乃大蹂躪
劫畧恣焚燬蓋達與干崖土戶遭兵毀其時李時升
擁軍惟守已防禦之不足進勦焉可恃緬更移兵東
木邦遭驚駭叶應琚檄軍援又以無律紀運糧糧或
乘飭進進或止以此大狼藉成功安可擬我朝百年
來初未曾見此此實予之過應琚誤任倚方謂定莽
能誰知遇緬否誠以今日觀不如病弗起乘病人欺
汝汝罪尙可弭病痊汝欺予汝罪將安徙初因任倚

尋邊情不遙制叶繼則覺或詐軍機萬里揣卽如斬

萬賊賊早敗披靡豈復至界內狂逞肆屯蟻降諭切

詢問乃不能欺飾叶一一具實陳了了如吾旨堂堂

大清朝豈受外侮理追思西師役允賴

天錫祉成功五年間闢地二萬里豈復弗知足佳兵

心更侈斯則事已張師應去聲不得已綠旗向懦弱加

以氣連餒總因應琚昏聩督迷方軌提鎮威偷安戰

陣不親履更置示明章勇將重建榮

楊應琚既償贖失事入秋大兵

進剿整理亟需得人公明瑞適自伊
犁入覲卽命爲雲貴總督往統其軍
曾經百戰身忠

貞視如子必能同士卒建績紆予
企禁旅發健銳突

將無前爾是皆篤知方奮力屢敵愾
沿途飭彈壓

驛驢無或致叶軍行時雨霏吉占兆
兵洗會見旗鼓

新秋深乃大舉叶準夷實勁敵緬醜
豈其比定期以

冬春佇聽捷音喜

物性

鵬鴟擊狐狼鷹鷂搏雉兔狐狼害牲畜
雉兔供鼎鑊

叶弱雉兔易與強狐狼難捕不求易避難朝歌錯節
遇鵠師識物性用各當去聲厥務鷲百不如一孔融語
非誤器使豈殊斯顧難審其素

聞捷

緬寇犯我邊兵應去聲不得已瘴退亟發師計日塵屈

指木邦未戰收直前險過幾蠻結彼據守不柵固可
恃弗能捨徑進鼓勇毀其壘忠誠衆心同奮不顧石
矢連破十六砦夷遁駭隊矣聞捷默叩

天錫佑乃致此既慰繼以憐我衆信勞止地利伊已
失賊巢近迤邐佇望大功成紅旗飛報喜

讀龔遂傳

賣劍令買牛賣刀令買犢千古傳名談此義欠三復
賣必有買者刀劍仍齊俗力耕果誰是何致有積蓄
設曰售他方道遠春糧宿以隣國爲壑亦非王政穆
玉生所教言天子悅謙牧日日不相視恩忙醉相告
少卿本通政明經蘊以夙數語誰弗知奚待彼私淑

馬遷已好奇孟堅繼其躅不如斯者多史策誠難讀

數詩再效鮑照體

一時思靖緬詎曰非兵佳二字蹈輕敵况復失徘徊
三年克鬼方亦旣云億哉四夷要守在尹戍語誠賅
五歲定西域疆字非不開六詔銅出阮鑄錯洵不該
七旬舞干羽事難效兩階八政未曰師迷復易象排
九原弔國殤尤爲去聲難恕懷十韻例明遠敬遵

天理恢

讀音書郭璞傳

景純好經學兼妙陰陽術郭公授青囊遂洞五行密
京房轉禍福管輅豫凶吉活馬靈偶示賺妾德實失
禍終嬰王敦南岡鵲巢出先知與不知事後原一律
明哲保身人本無奇可述

橘瓜辯

晏嬰併食橘見諂進詭辯瓜桃不剖析橘柚不剖剪
人主賜食禮其然出何典橘柚桃猶可瓜皮厚奚遣

又如晉陸績懷橘墮地宛跪答欲遺去聲母哀術誇器
遠小兒喜食物其常固不免造次託諸孝雖智非誠
款二詐明豈難何不先言顯欲蓋乃彌彰尙有人稱
善

捕魚

捕魚可致兩諺語爲去聲試諸釣網非素好鱗類滋御

湖一解其間善惡混善存惡當除善者鯉與鯁惡者鱧

及鱮二解吾師豈能別一網收無餘胥命置諸前分別

去取殊

三解

鯉鯁命放去鱧鱠賜衆漁行賞仍有頌邪

許羣歡呼

四解

別有鱖魚種嚙草勝耘鋤東園藻荇多

俾食此種需

五解

生獲生縱之中廐外廐如憐其入網

時重活寧所圖

六解

鱖魚適所安藻荇去其蕪一舉而

兩得解悶聊爲

平聲

七解

舉頭赤日烈縷雲翻盡徂雨

占豈其然迴舟以嗟吁

八解

讀前漢書汲黯傳

踞廁視侍中如孟說各殊劉云當從孟吾亦云然乎

丞相弘宴觀時或不冠夫均應爲輕之亦失禮貌無
不冠不見黜遙望避帷趨其敬有如此何不重用渠
然吾有疑焉治身禮樂須弗冠以臨下豈爲恭已模
蘭臺語過夸馬遷之同途讀史貴明理乃鮮失於誣

濬溪

寒山雨景奇萬瀑爭騰奮然每挾沙石注溪致淤填
叶
必有事濬疏方得清流進畚梟集衆力給值工成
迅長溪復舊觀風漪還月印我因悟爲學克己貴不

恪心源苟茅塞亦賴以時濬

新正降旨酌免雲南兵行所過州縣錢糧及湖

廣貴州州縣錢糧詩以誌事

緬酋未歸誠弦矢難中止勁旅次第發師應去聲不得

已直豫地廣饒車馬就熟軌湖南北與黔地仄川復

滿兵行歷累月寧不煩閭里免賦十之三稍紓吾赤

子滇南衆所萃同仁更殊視連年與溥蠲永昌騰越

及普洱其非經過處十之五均弛靖逆緣安民籌彼

晉忘此付凱大軍迴休息樂邊鄙

題耕作蠶織二圖卽用程棨書樓禱詩韻

有序

向蔣溥進劉松年蠶織圖自序卷首其蹟已入

石渠寶笈矣茲得松年耕作圖觀其筆法與蠶

織圖相類因以二卷叅較之則紙幅長短畫篆

體格悉無弗合耕圖卷後姚式跋云耕織圖二

卷文簡程公會孫棨儀甫繪而篆之織圖卷後

趙子俊跋亦云每節小篆皆隨齋手題

隨齋程棨別號

今兩卷押縫皆有儀甫隨齋二印其爲程棨摹
樓璣圖本并書其詩無疑細觀圖內松年筆三
字腕力旣弱復無印記蓋後人妄以松年有曾
進耕織圖之事從而傳會之而未加深考致以
訛傳訛耳至耕圖紹興小璽則又作僞者不知
棨爲元時人誤添蛇足矣又考兩卷題跋姚式
而外諸人皆每卷分題則二卷在當時本相屬
附後乃分佚單行故耕圖有項元汴收藏諸印

記而織圖則無可以驗其離合之由矣今既爲
延津之合因命同篋襲弄置諸御園多稼軒軒
之北爲貴織山堂皆

皇考御額所以重農桑而示後世也昔

皇祖題耕織圖泐板行世今得此佳蹟合并且有關
重民衣食之本亦將勒之貞石以示

家法於有永因考其源委並識兩卷中兼用瓊韻
圖隙至原書及僞款仍存其舊蓋所重在訂證

覈實前此之誤固不必爲之文飾亦瑕瑜不掩之道也

浸種

穀種如人心其中含生生韶月開初律向陽草欲萌
三之日于耜東作農將興筠筐浸春水次第宛列成
耕

四之日舉趾吾民始事耕驅犍更扶犁勞哉擬魚鱗
水寒猶凍足不辭來往行詎作圖畫觀真厓宵肝情

耜

皮衣豈農有布褐聊禦寒翻泥仍欲平驅耜漾細瀾
率因人力憊亦知牛版酸寄語玉食者莫忘稼穡難

耖

覆耕不厭勤塍頭更畛尾齒長入地深土細漉成滓

旋旋

並去聲

泥復沉澄澄波欲起耖功乃告竣方罫鋪

清水

碌礪

南木北以石水陸殊命匠園轉藉牛牽牛蹄踏泥浪
蹄傷領亦穿乃得田如掌惟應盡此勞邊敢恃有相

布秧

浸穀出諸籠欲拆甲始肥左腕挾竹筐撒種右手揮
一畝率三升均勻布淺漪新秧雖未形苗秀從此期

淤蔭

既備播農人有相去聲賴田祖灰草治疾藥糞壤益肥
乳攻補兩致勤仍望以時雨逮其頽粟成辛苦費久

許

拔秧

新秧五六寸刺水綠欲齊輕拔虞傷根亞旅共挈攜
擔籠歸於舍以水洗其泥不越宿卽插取東移置西

插秧

芒種時已屆蠶暖麥欲涼未離水土氣趁候插穉秧
卻步復伸手整直分科行不獨箕裘然服疇敢或忘

一耘

耕勤種以時庭碩苗抽新撮疎鏃後生稂秕務除根
塍邊更戽水溉田漾輕紋併胝正爾長劬劬始一耘

二耘

徐進行以腴熟視俯其首平壟有程度叢底毋留莠
簞食與壺漿肩挑忙弱婦家中更無人攜兒違慮幼

三耘

三耘諺曰壅加細復有耔漚泥培苗根嘉苗勃生薤
老農念力作瓦壺挈涼水苦熱暢一飲畢功戒半委

灌溉

決水復溉水農候悉用莊桔鍊取諸井翻車取諸塘
胥當盡人力曝背那乘涼粒食如是艱字餅噉何郎
收刈

我穀亦已熟我工猶未卒敢學陶淵明五斗羞腰折
男婦艾田間秋風侵布褐秋風尙可當最畏冬三月
登場

九月築場圃捆積頗慶優東稌滿新架稌穗遺舊疇

周雅詠如坻奄觀黃雲秋迴顧溪町間白水空浮浮

持穗

取粒欲離藁輪耒敲使脫平場密布穗揮霍聲互發
卽此幸心慰寧復厭耳聒須臾看遺穰突然如樹杅
兀讀作

簸揚

禾穗雖已擊糠粃雜陳前臨風揚去之乃餘淨穀圓
憐彼農功細嘉此農心專所以九重上惕息虔祈年

礮

有竹亦有木，胥當排釘齒。其下承以石，磨礮成粒子。
轉軸如風鳴，植架擬山峙。不孤三時勞，幸逢一旦此。

春碓

溪田無滯穗，秋林有落葉。農夫那得閒，相去杵聲互

答一石春九斗精，鑿期珠滑復有水。碓法轉輪代足

踏

麓

織竹爲圓筐疎密殊用簸疎用礪以前細用春已過
筓三弗厭精登倉近堪賀力作那偷閒誰肯茅簷卧
入倉

村舍亦有倉用備供天庾艱食惜狼戾蓋覆藉屋廡
背負復肩挑入厥忙日午輸賦不稍遲恐防租吏怒

浴蠶

浴蠶同浸種温水炊輕烟農桑事齊與衣食均民天
紙種收隔歲潤灑百花泉比戶恐失時力作各爭先

下蠶

吳天氣漸暖，鋪紙種漸高。破殼成蟻形，綠色細似毛。
輕刮下諸紙，驚羽揮如刀。女伴絕往來，俶載蠶婦勞。

餵蠶

猗猗陌上桑，吐葉剛少許。摘來飼烏兒，筠筐食共聚。
氣候物盡知，林外倉庚語。設無蠶績功，袞職其誰補。

一眠

蠶飽初欲眠，蠶忙事正長。少婦獨偷閒，深閨理新粧。

中婦抱幼子趁暇哺向陽大婦縫裳衣明朝著採桑

二眠

初眠蛾蛻皮村屋低垂幙七日變如故首喙壯不惡
於候當二眠上架依前若弗食復弗動圓筐貼細箔

三眠

再起蠶漸長上聲桑葉可食半是時葉亦繁陌頭陰欲

暗篝鐙視女郎晝長夜駿短三眠擬三耘農桑功不

亂

分箔

眠起有定程不緩亦不促逮三蠶大長

上聲

分箔陳盈

屋雍疏要及時蠲蠲色澤綠移東復置西吳孃工作
熟

採桑

柔桑採春初遠揚採春深飼之別早遲時序毋相侵
蠶老需葉多升樹勞搜尋雨則風諸陽燥又潤諸陰

大起

木架皮筠箔室中避風雨蟬首食全葉須與盡寸許
喜溫不耐熱引涼向日午酌劑適物性嗟哉彼貧女

捉績

家家閉外戶知是爲

去聲

蠶忙夙夜視箔間弊衣復短

裳綠形將變白絲腸漸含光揀擇戒遲疾齊棟堆如

岡

上簇

束草置箔間不長亦不短蠶足緣之上肖翹力猶軟

喉明欲爾候清和律已暖誰謂村舍中蒼山忽滿眼
炙箔

蠶性究畏寒終朝不捲幕仍期成繭速火攻用炙箔
絲蟲將結網銀光鋪錯落獸炭揀良材率欲無煙覺

下簇

紅蠶既作壘堆簇如雪山取下印盛筐秤視倚屋闌
蠶一繭獲十豐熟婦女歡迴憶昔蹙眉幸博今開顏

擇壘

宜綿誇八蠶宜絲貴獨蛹一家聚擇之分品各殊用
絲待人之買綿禦己之凍勞而弗享報女紅可勿重

窖繭

蛾若破繭出絲斷如敗葉斯有窳窖法封泥固周淡
深埋取寒氣掘地揮鋤鍤何必詔高昌草實稱白氈

繅絲

繭終絲之始猶未閒女嬃竈下颺輕煙釜中沸熱湯
度戒過不及乃得絲美長轉軸仔細看梧月已上牆

蠶蛾

視繭圓與尖雌雄別較然擇美待化蛾齧繭出其園
成偶經晝夜布子密且綿紙種敬以收默祝富來年

祀謝

絲成合報謝東吳復西蜀人以神虔心神以人寓目
盈几銀鏤陳蠶功佑蒙辱雖酬已往恩仍禱方來福

絡絲

繰絲甫報畢絡絲應及節工作有次序此風盛吳越

麤細卒未分要使無斷脫轉雙對籌燈明河影欲滅

經

既絡絲納筥置軸兩端排引以爲直縷理繁徐往來
條貫期畢就比弦無曲回設擬悖如絳敢曰經有才

緯

浸緯非細工付之小女子誰知素絲中乃具種種華
精經次緯於是別轉輪引緒斜由分漸成合小大殊

軸車

織

潤室置機架有軸亦有欄往還拋玉梭那儻素手寒
錯綜乃成功萬絲得一端織女若是勞布衣已原單

攀華

椎輪生大輅踵事何太勤素帛增攀華絲縷益糾紘
既成黼黻章亦煥河洛文爲者自不知如山出五雲

剪帛

精麤不中數廣狹不中尺王制弗鬻市要義寓剪帛

辛苦豈易成欲裁心自惜耕勞蠶亦勞視此吟篇著

讀韓非子

楚莊莅三年無令無政爲司馬隱進諫王亦隱答辭
飛有冲天日鳴有驚人時廢十起者九誅舉邦大治
叶是蓋效殷宗夢築吾固疑一之已爲甚其可再乎

斯臯陶亦有言一二日萬幾三年罔稟令叢脞萬事
墮逮其起掾正害久民受之非非達政者泥古兼好
奇

靜益書屋

動靜互爲根言固應如此究其所以然靜乃動之始
妙哉濂溪翁圖說標厥旨兼兩動卽難含萬靜無已
惟靜受益多虛室吉止止

芟樹

芟樹宜秋冬春生固當止邂逅來斯時執一難論矣
喬柳枝鬱蔥稚松在其底雨潤與日暄柳占松徒企
喬柳勢自揚稚松氣常靡移松慮傷根匪愛實害已

因而命斧斤芟柳俾松起去邪興賢材或有類乎此

黃葛篇

黃葛生幽阻蒙茸引蔓長溪風翻葉青巖露湛花黃
既不逞艷姿亦弗鬪奇芳越人持剪刀採歸承以筐
細緝乃分縷薄煮仍用湯精締麤者裕成匹別置藏
待賈鬻市中稱去聲體爲衣裳盛暑雖鬱煥著之自生
涼有具易其備聞諸子淵王

雜言

補藥助邪火尅藥傷元氣我雖不知醫其理實無二
爲政詎殊斯一利伏一弊用人亦頗同兩全甚艱致
才華或損德忠厚弗解事恭已豈易言南面如何治
懷遠齋自警

書齋號懷遠懷遠義誠深詎惟暢遊目斯焉多惕心
四海之極廣安民惡有臨百世之極適裕昆稟難誌
茲實宵旰憂奚問山水音懷遠洵悠哉侑座聊自箴
心鏡齋有會

心鏡若喻言其實乃至理試問世間鏡何非從心起
造鏡緣心巧照鏡由心使無心斯鏡無造照胥糠粃
覓心不可得而况月與水

抱樸草堂

草堂枕清溪艤舟一徙倚不惟謝雕斲兼且卑階祀
明志以澹泊沃心有書史書史非空言鑑人還鑑已
饜飫而優游蓋欲忘去矣亭臺亦豈無視總弗如此

患失

子曰苟患失將無所不至爲去聲爲臣者言萬古昭明

義若其爲人君宜多患失事

天命與人心慎保恐或墜

祖功及

宗德謹守虞致棄九州幅員遙可展不可替庶政綱
紀存當修不當廢祈年兆雖佳未定越厘意一方卽
有收尙願萬方備一歲卽幸豐更冀綏屢

賜患失斯已多得恒弗能遂爲君信難哉永言誌吾

思

銅印詩

有序

定邊左副將軍成袞扎布奏進銅印一云巡卡
台吉於額爾遜特斯地鄂博間得之印方得三
寸有十分寸之一厚十分寸之五三臺遞上各
減二分有半上臺方二寸有十分寸之六直紐
高寸有十分寸之七縱寸有十分寸之三橫十
分寸之六其末微斂縱減分之二橫半之通印

之高二寸有十分寸之七重六十九兩文曰太尉之印蒙古篆八疊文覆首右署太尉之印左署宣光元年十一月日中書禮部造凡十有七

字皆漢文考之則元昭宗嗣位和林時所鑄也

昭宗卽元順帝太子阿育師利達拉史
舊作愛猷識理達臘今譯改事詳詩注元太尉

官位尙書左丞相上秩正一品不常置印制無

考宣光年號史亦不載乃今四百餘年忽得此於新屯墖壤中登之冊府物之顯晦以時誠有

定數且因此而得考北元之紀年官制不終湮
沒無傳足以補正史之闕蓋亦有莫之爲而爲
者乎因敘其事而系以詩

厄魯久蕩平屯田闢耕暖掘土得銅印將軍呈京闕
文曰太尉印宣光年頒發正史雖無考彝尊朱集可

掇其書高麗後昭宗年號揭數百歲月湮隱現有時
節北元國未忘南宋難同列南人率左袒正論誰衷
折謙益錢瀛國公其事益賢說

書蜀志諸葛亮永安受詔事

陳壽志諸葛不以正以奇無識注之者復值裴松之
昔曾論七擒大要言其非偶閱永安事實鄙先主私
魚水宿已喻彼此心諒知臨終令自取豈非有所疑
俾亮何爲情依然失之爲晉文譎不正猶弗至若斯
孫盛固致議而未挾及微讀史無卓見被史愚則宜

北倉

北倉建津北

皇考恤民意

雍正二年

皇考命於天津北建倉

四十八座截留漕粟以備撥運賑借自

後每遇辦賑貧民得早霑實惠誠萬年

至計也

留漕利轉輸遇災便賑濟

四十餘年來黎元普受惠頗有持籌者細爲

去

天庾

計截此彼或虛久長恐有弊傳曰百姓足君孰不足致寄語後之人慎勿動浮議

南倉

南倉空有名實無廩庾覩方輿稱明建以備海運貯

海運創巴顏

史作伯顏今訂正

陳瑄繼其武

明總督

建倉尹兒

灣史典猶堪數冒險豈長策中道廢乖遲卽今南北
消歲歲輸天府行之誠在人徼倖非所取

鶴領子

淵材信胎生出卵却頻見野鶴如家雞園中向所參

一解 既不翦其羽亦不賦之糧見舊作放鶴行而終不遠去御

園恣相羊二解雌雄那相離溪塘成熟路銜草自爲巢

孳尾樂其素三解一歲率二卵恆弗失厥時雌雄相代

更而謹伏翼之四解透殼宛成形淋滲未能立鴉鵲或

來侵跳蕭護之急

五解

稍長初學步襍襪引以行教啄

復教飲無不曲盡情

六解

兩月毛羽黃四月漸變白六

月黑白分栩栩殊光澤

七解

一歲領子行二歲視子遠

子意亦如之非復相親善

八解

對物有會心人禽別於

此而何世間人竟有不孝子

九解

清暉閣前松效白居易體

清暉閣前松亦有新陰佈新陰雖可人所惜非故樹

一解 池魚本無辜殃及因城門蟠龍失其水徒歎僵老

鱗二解舊松五十年始具凌雲態新松未十年那便同

肩背三解嘉植不可無聊命移稚株設如種松子更當

廿載需四解經久異欲速松弗同楸櫟如嫌長上聲閱時

應鮮種松者五解一日復一日秋月與春風終愛骨格

佳豈類砌花紅六解新枝亦已放舊榦嗟何往每看汝

敷蔭不覺心悵惘七解種樹十年計凡木詎松哉良材

必遲就尤當勤栽培八解我今六十餘百歲亦恒有待

汝四十年老成或如舊九解

養素書屋

書屋非稱華所稱窈而深插架有停史置几有文琴
琴音不解操史義原可尋千古治亂鑑敬息分一心
往來戒憧憧安和貴惜惜養素詮其要可以當銘箴
銀削刀

土爾扈特親王策伯克多爾濟所進也

書刀古遺法烏孫何當有然彼亦有經削刻資工手
羊角爲之室護以銀花釦內外映虛明習習簇雕鏤

叶
微物表至誠，那論好與醜。築氏謝成規，牛豕曾剛

謬

叶 合璧事類載牛僧孺常用麥芒刀字有誤謬
隨手刪割點定此刀小而銛亦猶麥芒之類也

昔爲羸幕珍，今作菜几友。還擬問昆吾，斯得所託否。

愛山樓

愛山卽樂山，率寓仁者意。設使留意山，毫釐千里異。
球花尙未芳，巖林亦待翳。因之觀未形，了識萬物備。
物我與天人，咳之一仁字。

微雪

二月初三日

卓午始生雲傍晚乃霏雪適來遊瓊島春陰誠應節
時疎復時密翦水花聯綴初猶融入地漸遂積成屑
夜衾不忍眠問至二更徹旋報同雲散寸餘鋪素潔
人稱

肸鬩昭

是日祭

社稷壇

我益慚惶切

陝甘總督文綬奏新疆屯田詩以誌事

漢代嘉充國屯田稱便始爾時實防邊多有戒心矣
今日亦屯田事乃異乎彼西域平定後疆闢二萬里

地既無爭戰土復甚豐美雪山引溝渠水旱均足恃
耕作雖已興地尚有遺利叶督臣欲招墾條奏其事
體甘省地既瘠新疆利堪指去歉就樂土可廣興耕
耔因憶定伊犁樹碑言大旨初謂計未得何期忽有
此額手謝

天恩帡幪錫厚祉庶幾免指摘詎敢稱欣喜

一峯亭

平地湧一峯雖卑亦犖嶷小亭冠其上獨立聳嶽嶽

天然自殊勝造作終握齷譬之讀詩集島瘦郊寒若
神仙自有骨俗子安可學

東園觀麥效陶潛體

勅幾有餘暇駕言往東園東園豈徒往藉因二麥觀
冬雪雖非優春雨實渥焉夏孟茲逮仲快霖時復霰
所以來牟景大異常年看吐穗頃且長如油綠穎攢
蓄目寧不欣未敢心卽寬必待餅餌成庶濟吾民餐
去歲畿輔澇百方勤賑濟所賴青黃接麥收最要計

實穎忽在眼實粟企滿志銜艾尙有待屢念猶未置
此後晴雨時登秋庶可遂早作而夜思急務惟茲事
遊觀亦在茲奚待范雲對蕭緬稱讜言益可驗其世

詠素堂

繪猶可以言素實難爲詠然使本無素繪亦從何證
却如雨鏡張光光互相應但言澄其心誰知已涉境
叶山堂空四壁是日安心竟

閱稼

清曉策輕騎山田出閱稼深居豈弗佳宴安夙所吒
都來無半月吐穗堪欣訝蔚雲間

去聲

綠黃吹風齊穰

稔千頃連山川一律茂高下不惟塞外然京畿米減
價時暘定暄晝時雨每零夜由近以及遠各省報非
詐率稱可望豐常平不須借何修遇是哉額手

天恩謝築場期尙遙戒滿心猶怕

命緩徵陝西湖廣等省過兵各州縣錢糧詩以

誌事

一省偶與兵鄰省率波及因悟佳兵非其奈狂番習
用緣不得已惟圖速寧輯始原聽蠻觸終乃類姑息
當大示懲創雄師齊衆力陝甘多勁旅滇黔慣批拉
湖南况接蜀近山善攀陟簡精各用長督以旗勇集
小金已全定金川猶竄賊掃穴雖可必未能期頃刻
言念過師處允宜沛恩澤緩徵以次第閭閻恩徧給
夙鄙問惠心祇覺抱慙德

無盡意軒

淑氣始訢閭韶光未明媚梅心尙寒避柳眼纔風試
步墀土漸酥望湖水已脆靜值萬幾暇澄觀萬物備
遲彼有脚春愛茲無盡意

閱永定河作

庚寅夏決口補築旋歸舊辛卯秋衝隄障波俾迴溜
長此竟安窮是必病久受南河節相宣高晉中朝司空

赴

叶 裴
日修

方伯共踏勘

周元理

窮源委以究分流盛漲

洩疏淤中泓走發帑五十萬次第工云就去歲幸時

若安瀾慶豐收叶今來閩隄成仍擬下口觀既已昧
幾先寧不籌善後萬民勿言謝追思心尙疚

金門閘

渾河似黃河性直情乃曲順性防其情是宜機先燭
而此尤所難下流阻海屬殺去聲盛蓄厥微在洩復在

束金門傲毛城減漲資滲漉然彼去路遙謂毛城鋪此則

去路促遙者尙迴瀾促者橫流速斯誠非善策驚見
心粥粥急籌救急方謂當挑壩築倒勾抵金門餘溜

俾歸谷非不圖屢閱終弗如親自然予試絜矩九寓
廓員幅一人豈遍及滋用增惕慙

山中晴景

昨晴業已佳今晴誠更妙旣霑益旣足宜暄故宜曜
千峯生紫烟萬葉濯青隋幾餘命輕輿於焉暢清眺
當春松自蒼過雨花含笑激石泉越涼隱樹逕猶與
逐處可成憩摘吟隨興到設非遇時若亦難從吾好
過南嶺閱武兼遊寶勝寶諦諸寺卽事成什

健銳建是營乃自己巳始其時定金川名實勝緣此
畏而赦盡勦將謂革心矣十年卽漸猖蠶食鄰弗止
然猶俾安撫屢撫屢背詭尾大不可掉問罪師無已
償拉雖蕩平促浸境今抵徒以春雪多兼之險可恃
武雖闕於斯功願成以邇實勝豈徒然實諦力並企
正法如日照么層技徒爾趁暇縱遊茲馳念惟廛彼

題乾坤鑿度

乾坤兩鑿度撰不知誰氏矯稱黃帝言倉頡爲修飾

叶

以余觀作者蓋後於莊子南華第七篇率已揭其

首儵忽鑿七竅竅通渾沌死乾坤卽儵忽渾沌實太

始乾坤既鑿開太始斯淪矣言易祖繫辭頗覺近乎

理靈圖測隱隱

字彙補作隱隱云古文陰陽字見乾坤鑿度與此字體稍異

乃或

述識緯

叶

有純亦有疵稽古堪資耳黃震著日抄所

論正非鄙欽若斯足徵撫卷勵顧諟

豁如室有會

史遷稱漢高豁如有大度用能成帝業盛在勤細故

此在開荆可守成多政務細大莫不謹乃弗致舛誤
先後却異施豁如合先具先本而後末庶免流苛妒
卽境偶會心自箴因句賦

閔隄

武列石城東其流本無定所喜來源微遇霖方漲盛
漲時勢頗浩過雨亦旋罄山莊聚閭閻數已十萬牘
築隄爲保障期以安兆姓隄根或致嚙修整隨時應
不過此補苴計欲求永巨相去聲勢剷沙嘴導流俾弗

三十一
三十一

競庶免激石怒用順赴壑性然斯實小試事半功倍

剩畿南

謂永定河

及淮北

謂黃河

慙乏善治

平聲政

復雨

六月廿四夜

復雨輒復愁我愁紛有故間

去聲

作非臆霖大田未潦

沛所慮漲水發怒波衝驛路軍書盼孔亟遲或誤裁

務困獸竟反噬猖獗邀隙遽初為遁逃藪繼乃狼狽

助縱回騷糧臺遮郊更險據還軍有差跌懦卒散羣

驚致失我賢臣痛惜言難諭旗兵之未遣綠營之徒

付圖省從公議可恃忘深慮追悔何嗟及聚銅大錯
鑄賊計誠益詭賊罪越難恕禁旅發精勇雪仇無返
顧

天自鑿曲直我豈爲窮黷叶勤勞違敢辭國威要揚
布

喜晴

六月廿五日

厯辰猶細霏傍午遂大霽農功幸益佳軍營亦信遞
未然防已周先覺誅奸細從逆盡勦滅可疑亦別置

以此當噶拉安然若無事總俟重進師應迴美諾至
未逮難收拾

嘉護感

天賜

自咎

自咎用人差用人真匪易昨歲平趙拉頗屢建勲幟
而何勦促浸持久遇險地遇險未能進我豈過責備
倉卒賊遮郊周防合深計乃竟閉營門不顧夫役輩

叶
若輩羣奔散綠營遂逃棄因致賊大逞禍延多將
吏挫跌似此無憤報刻難置旗兵悔未用事後羞稱
智

軍報

軍報七千里十餘日馳至雖悉心裁酌彼處形又異
是在領兵者相機爲進退於古有名言軍情弗遙制
命宜喜還師意因接阿桂持重弗肯還詳陳彼地勢
阿桂亦已出而無意外事據險圖再進兩路均吉利

視若違吾旨實乃合吾意有臣而若此實爲國之瑞
溫福吾舊臣僨轅翻禍致一慶一以慙憤懣刻弗置
勁旅簡重征勦逆洗深愧衆正

天助順大舉期功遂

悔過

屢宣軍中人並觀更兼聽口碑出輿論益悉庸臣行
剛愎惟自是曾不集思定築礪將及于工作勞衆病
兵多分乃少攻勤翻鮮勝每晚虛施礮不惜火藥罄

是皆軍所忌温福蹈之併以致賊邀隙情渙羣逃迸
然此將半載不知實我懷自古信將帥謗篋有弗證
既已付之權豈宜設何偵孰謂致債事悔過徒慙恫
觀過或知仁解嘲聊有詠

鑑古堂

鑑不識妍媸妍媸由人照古不隱善惡善惡由人肖
知媸而謂妍是徒取譏諷知惡而謂善則益成顛倒
叶
鑑鑑事猶微鑑古關綦要書堂一繹思瞿然勵自

劬

副將軍明亮等奏報攻克卡卡角山梁詩以誌

事

玉壘蠶叢境跬步皆奇險番賊所恃茲急切未易掩
嗎呢既奪若我軍鼓勇敢層層直通進木谿亦隨陷
叶
而何卡卡角當前險倍儼三面設計攻一線穿棧

巉豈意賊設伏火器潛來犯火熄技難施狡寇驚破
膽喙駭竄巖穴追擊多禽斬遂得成奇功覽奏額手

感斯誠

天默佑何修彌自慊佇待取馬邦賊巢近可撼

助順而禍滯

昭昭懸上覽耆定速戢戈蒼生樂恬憺

題魏了翁周易要義

華父師敬子

李燾字

其學傳紫陽紫陽注周易獨稱卜

筮方舉占意有謂恐人涉荒唐魏乃宗正義刪繁取

其臧釋文考陸氏兼引馬

融

鄭康成王肅

簡以得其要

約而頗致詳彝尊尙弗知

朱彝尊經義考未載此書

希寶誠吉光

開宗闢虛元孔門教用彰三易明周稱蓋謂取岐京

叶

乾健具四德坤順惟隨倡弗牛而曰馬牧馬行无

疆然子更思之仍卽一乾剛乾坤分

去聲

既定餘卦推

類明

叶

大端弗失正十翼臣之良出處益卓然正色

立朝綱豈徒託空言用易誠有常四庫廣搜羅懋柱

出珍藏鈔刻俾歸之牖世文教昌卷首題五言用賁

世守長

引水

盤中水易引引易難爲貯是地泥非沙一泓宛堪觀
顧其就下性遞降得四五疊石遮防瀉刷土導卑俯
青蒲刺其洲白芷縛其澈江鄉詎云遙竹汀接柳渚
磁基貴待時孟氏傳章句叶日涉趣益成陶翁著辭

語

得概軒有警

數日駐名山將謂概已得誰知景不盡日日殊山色

雲烟朝暮變方向高下易今泉豈昨泉豎石復橫石
啟思恒弗同探秘渾無迹然此祇言遊隨意皆可適
物理與幾政隱情過斯百率云已得概惕將成大慝

將軍阿桂奏報攻克羅博瓦山碉痛殲賊衆相

機進勅詩以誌事

羅博瓦最高四峯互圍擁危石鎖巖芽水巖滑龍窟
賊緊要門戶死守弗開空然勢在必取將軍申戒董
八旗子弟兵其中多將種心旣堅忠義力倍加拳勇

偏伍與彌縫部署勞洞洞夜發曉將及賊聚拒衝湧
據高直下擣我師屹弗動待其近至前持滿無不中
叶綠旗及土練激勵均躍踴履險如席平騰高擬鳥
獵刀矛短兵接賊敗不旋踵隴種奔案角怙跟逃穴
孔兩日尅八礮廿六卡獲冗賊巢斯已近一鼓期收
總然予更有思好生承

天寵逸德玉石焚佳兵誠宜奉渠魁所弗赦脅從實
懵懂曉之令歸命倒戈或陰拱誅殺旣弗亟成功庶

速鞏寄諭相咨諷慎事惟虔竦

涼水河

涼水出鳳泉玉泉各別路源出京西南分流東南注
歲久未疏剔率多成沮洳漫溢阻道途往來頗致誤
王政之一端未可置弗顧邇年治水次第修斯處
建牖蓄其微通渠瀉其怒有節復有宣遂得成川巨
川傍墾稻田更賴資稼務南苑紅門外歷覽欣始遇
或云似江鄉寧飾江鄉趣興農利旅然永言識其故

自得軒有會

仲尼示三戒各自有其時余雖不言老於得可弗思
然正未能免故可申言之貴居九重高富有四海彌
何求而弗得又何得之期熙績在百工難得賢良資
足食惟三農難得雨暘宜二者佛仔肩耄耄所弗辭
卽今不得已爰有金川師進勦在旦夕難得紅旗馳
是皆亟欲得奚能戒以離聖言無不該豈我獨異施
祖禹訓養志或同彼所爲

總河吳嗣爵奏清口及車邏等壩事詩以誌慰
壬午定水誌踟躕未敢信乙酉視清口畧慰三年順
今復十歲閱光陰迅一瞬河臣遵此制幸未致輟饋
溯上四十載十八水災趁車邏及南關補苴徒勞紊
豈如視清口水誌爲退進開築兩壩料河臣昔所靳
以較賑恤費省豈千百僅而億萬蒼黎綏屢無愁僅
斯過旣弗辭斯功亦不遜南巡第一政庶未孤清問

洗心亭效蘇軾體

亭子水之心因而欲心洗萬事心所爲洗豈外夫彼
然則心洗心實類水洗水譬如指觸物指艱白觸指
以我云卽我亦弗異乎此迷頭認影者顛倒無一是
數典自雲棲誤匪由我始

遣悶

搞詞擬遣悶實覺悶艱遣昨近屢作雲牽被終風卷
今朝雲旣無風亦爲之緩似此何日雨釋我愁纂纂
况復接軍書阻雨計難展自克羅博瓦門戶據初限

對面突起峯更有賊碉繕

叶

喇穆喇穆岡排柵守巉

巉其下日則口格魯瓦角悍

叶

是皆近賊巢

勒鳥圍

抵

死守根本六路分進兵調撥王臣蹇然需數日晴鼓
勇鯨鯢翦而何逮一月雨多晴乃鮮日朗濼陽坡氣
寒凍陰熾刺手致尼步坐視賊不遠三軍同敵愾蓄
養徒憤懣以彼稜乎此易地則皆善望之弗能得鬱

陶惟愧報

軍郵

軍邇今日來報克色朔普羅博瓦捷後兩月餘阻雨
雖定六路攻曾未寸步舉邇來畧放晴我軍勇倍賈
門戶旣已近賊人防益固叶山脊築三礮左右更夾
輔進退兩維谷決策在破金期得而後往將軍計非
鹵分投各銜枚一呼發萬弩人人自爲戰上下力各
努踔礮如履平礮石中鼓舞觀之心惻然喜極淚欲
墮叶得戰礮十一平礮四十許殺賊二百餘器械獲
無數殲其大頭人率醜守礮者叶蓋自用兵來斬獲

斯爲巨臨遜克爾宗勒圍近堪覩賞卹所弗惜嘉許
難形語佇待馳紅旗崇捷耆定武

杜甫詩有已收滴博雲間戍更奪蓬婆雪外城句
爲和嚴武軍城早秋作注之者謂滴博蓬婆西山
地名或云滴博西山城名蓬婆吐蕃城名或又於
滴博下注云嶺在維州至何以謂之滴博蓬婆則
未詳其義按武爲劍南節度使以廣德二年連破
吐蕃詩正作於此時今維州橋在汶川其外卽番

境諸番卽吐蕃種類向聞促浸逆酋有欲佔維州
橋之語并聞其地以此語造爲歌曲流傳已久則
唐時或曾占維州境亦未可知故云已收滴博也
又今以維州已外爲西路與嚴武所稱西山亦合
惟滴博蓬婆以內地字義解之輒不得其說考番
語卽唐古特語唐古特謂樓曰丟丁羞切烏今地名
亦有訛稱兜烏者丟烏急讀卽爲碉故今以番人
所居之樓爲碉其實碉於字書爲石室兼樓稱之

義始全但言礪者猶從番語耳又唐古特閉頭巴字亦讀作幹視其語所應用者而分之或當時有粗識番字不解字義之人讀幹爲巴丟巴再轉遂爲滴博亦猶元姓却特誤爲奇渥温由粗識蒙古字形之人妄爲離合因至傳訛耳又蓬婆亦唐古特語朋博之轉朋博者堆鼻之謂今之色溯普爲賊番就堆鼻築礪之所則溯普當卽朋博之訛色蓋色爾番語所謂金也茲因紀色溯普之捷考訂

如右